

ORDENANZA Nº 9

ORDENANZA REGULADORA DO PREZO PÚBLICO POLA CESIÓN DE USO DE STANDS, CARPAS E MOBILIARIO DURANTE A FEIRA DO VIÑO DO ROSAL

ARTIGO 1º.- DISPOSICIÓN XERAL.

En aplicación dos artigos 103.2 e 142 da Constitución Española, 106.1 da Lei 7/85 de 2 de Abril Reguladora das Bases do Réxime Local, e 41 a 48 do Real Decreto Legislativo 2/2004, de 5 de marzo, polo que se aproba o Texto Refundido da Lei Reguladora de Facendas Locais, este Concello establece o prezo público pola cesión de uso de stands, carpas, e outro mobiliario, durante os días de celebración da Feira do Viño do Rosal.

Todo aquel que desexe solicitar un posto na feira deberá presentar unha instancia no Rexistro Xeral do Concello segundo modelo facilitado polo mesmo.

O prazo de presentación de solicitudes comezará o 1 de xaneiro de cada ano e finalizará o 30 de maio, non obstante, admitiranse as instancias presentadas con posterioridade sempre que reúnan tódolos requisitos esixidos e queden postos vacantes.

ARTIGO 2º.- OBXECTO

Será obxecto do prezo público a utilización polos particulares de stands, carpas, e outro mobiliario, facilitados polo Concello, durante os días de celebración da Feira do Viño do Rosal.

O concello solo concederá módulos distintos cando concorran causas que impidan axustarse á carpa facilitada polo concello, prorrateándose o importe fixado na presente ordenanza entre os módulos solicitados polo participante.

ARTIGO 3º.- OBRIGADOS AO PAGO

Serán obrigados ao pago as persoas físicas e xurídicas autorizadas para a utilización das carpas, stands e mobiliario previsto no artigo 4º da presente Ordenanza.

ARTIGO 4º.- CONTÍA

1.- O prezo público queda establecido en:

A.- STAND para bodegas con produción inferior a 50.000 botellas:

Polos tres días de feira.....258,63 €

B.- STAND para bodegas con produción superior a 50.000 botellas:

Polos tres días de feira.....344,83 €

C.- CARPA:

Polos tres días de feira..... 646,56 €

2.- Os anteriores prezos irán recargados coa correspondente cota do Imposto sobre o Valor Engadido.

3.- Os prezos contemplados na presente ordenanza serán independentes do importe que deberá abonar o participante pola utilización do dominio público ó que se lle aplicará a ordenanza do Concello do Rosal reguladora da Taxa por ocupación de dominio público, aplicándosele a totalidade do articulado na mesma.

ARTIGO 5º.- NORMAS DE XESTIÓN

1.- As persoas físicas ou xurídicas interesadas en obter un STAND ou CARPA durante os días de celebración da feira do Viño do Rosal, deberán presentar a correspondente solicitude no Rexistro Xeral do Concello.

2.- Antes do día 15 de xuño o Concello do Rosal, notificará aos solicitantes seleccionados para participar na Feira do Viño a autorización de uso de mobiliario solicitado así como o lugar de ubicación do mesmo.

Para a ubicación das carpas seguiranse os seguintes criterios de preferencia:

1º.- Para os participantes nas edicións anteriores, atenderase ao lugar asignado na última Feira do Viño.

2º.- Para os novos solicitantes atenderase:

2.1.- Promoción dos produtos da comarca.

2.2.- Antigüidade na orde de presentación de solicitudes.

Os participantes das edicións anteriores deberán presentar igualmente tódala documentación esixida no prazo establecido se non queren perder a antigüidade na ubicación do mobiliario.

3.- A carpa estará composta de dous módulos de 3x3 m2 e irá acompañada de dez mesas, cincuenta cadeiras, dez parasoles, dez pés de parasoles, mostrador, e vertedoiro.

En caso de que, por motivos técnicos, non se dispoña da carpa descrita, o Concello do Rosal facilitará unha de similares características.

4.- Os stands soamente poderán ser solicitados por adegas ou persoas físicas ou xurídicas destinadas á venda de produtos hortoflorícolas, vitivinícolas, ou frutícolas.

5.- As adegas con produción inferior a 50.000 botellas que queiran gozar do prezo establecido no artigo 4.1.A da presente Ordenanza, deberán acompañar certificado expedido polo Consello Reguladora da D.O. Rías Baixas, acreditativo do número de botellas producidas no ano anterior á solicitude.

6.- A ubicación dos diferentes stands realizarase por sorteo, agás que por motivos técnicos, sexa necesario ubicar un determinado stand, nun lugar concreto.

7.- Os danos que se produzan no material, que non sexan consecuencia do natural desgaste, correrán a cargo do autorizado para o uso dos mesmos.

ARTIGO 6º.- NORMAS DE INGRESO E RECADACIÓN

1.- No prazo de 5 días dende a notificación da autorización do uso de carpas, stands e demais mobiliario, os solicitantes seleccionados deberán facer o ingreso do prezo establecido na presente ordenanza na conta designada polo Concello.

2.- No prazo de 5 días dende a finalización da Feira as bodegas deberán facer entrega dos xustificantes de devolución dos cataviños para así poder elaborar a conta xustificativa dos cataviños entregados e devoltos. Posteriormente o Concello notificará ás diferentes bodegas o importe que teñen que efectuar polos mesmos.

3.- Se no prazo establecido no apartado 1, non se efectúa o ingreso do importe do stand ou carpa, entenderase que o solicitante renuncia ao seu dereito a participar na Feira, asignándolle a ubicación que lle correspondía, ao seguinte na lista atendendo aos criterios establecidos no artigo 5 da Ordenanza.

ARTIGO 7º.- NORMAS DE PROCEDIMENTO

1.- Os solicitantes das carpas, e stands, previstos no artigo 5º da presente Ordenanza, deberán cumprir a totalidade da normativa vixente en materia de sanidade e seguridade e hixiene, acompañando coa solicitude a seguinte documentación:

- DNI/CIF
- Certificado de atoparse ó corrente do cumprimento das obrigas coa Seguridade Social e tributarias co Concello, Xunta e Administración Central.
- Seguro de Responsabilidade Civil por importe mínimo de 150.000 euros tanto para carpas como para o stands. O Concello do Rosal non será en ningún caso responsable de cantos danos a terceiros puideran se causados, polos participantes na Feira.
- Declaración do alta no IAE no epígrafe correspondente.
- Carné de manipulador de alimentos para aos solicitantes das carpas.

2.- Nos supostos en que o mobiliario a facilitar polo Concello non se atope contemplado na presente Ordenanza ou resulte necesaria a modificación ou actualización das contías, délagase na Xunta de Goberno, conforme o artigo 23.2 b) da Lei 7/85, de 2 de Abril, o establecemento da contía a proposta do Servizo correspondente co previo Informe de Intervención Municipal.

ARTIGO 8º.- NORMAS DE FUNCIONAMENTO DAS CARPAS E STANDS.

- As carpas deberán ter á vista do público os prezos dos seus produtos.
- Non poden vender tabaco.
- As carpas non poderán vender alcol, excepto cervexa.
- Deben respectar os horarios de apertura e peche da feira.
- Prohíbese estacionar dentro do recinto da feira.
- Están obrigados a manter en bo estado a vía pública ocupada, non podendo tirar aceites, desperdicios, envases, envoltorios, e/ou outros desperdicios ocasionados como consecuencia do exercicio da actividade.
- Os participantes na Feira para descarga de mercadorías deberán solicitar a persoal autorizado a apertura do recinto feiral dispoñendo de 30 minutos como máximo para levar a cabo a mesma.

DISPOSICIÓN FINAL

A presente Ordenanza entrará en vigor e comezará a aplicarse ó día seguinte da súa publicación no Boletín Oficial da Provincia, permanecendo vixente ata que se acorde a súa modificación ou derrogación expresa.